

Улаанбаатарт: ӨНӨӨДӨР

Өдөр +24
Шөнө +15

ОРОН НУТАГ

Б.ЦЭВЭЛМАА: ЭМЭГТЭЙЧҮҮДИЙН ХОЛБОО БОЛ БИДНИЙ НЭГДЭЛ

VII нүүрт

ЗАВСАРЛАГА

ӨНДӨР ГЭГЭЭНИЙ НУТГИЙНХАН ӨРГӨН ДЭЛГЭР НААДАВ

VIII нүүрт

Дугаарын **60** мөр
Зам, 00-ын асуудлаа шийдчихвэл ч Н.БОЛД

ҮЗЭЛ БОДОЛ



Ерөнхийлөгч өө, ЭНЭ ЭРЧЭЭЭРЭЭ АЖИЛЛААРАЙ

Н.ПУНЦАГБОЛД

Монгол Улсын Ерөнхийлөгч Х.Баттулга тангаргаа өргөж, ажлаа эхэлснээс хойш нэг сарын хугацаа ч өнгөрөөгүй байна. Энэ хугацаанд цөөнгүй шийдвэрийг гаргаж, олон ч хүнтэй уулзаж, нөхцөл байдал ямар байгааг мэдэж авлаа. Ерөөсөө ажлаа шуурхай эхэлж байна. Гараа сайн байгааг олон хүн хэлж, сайшааж, магтаж байгаа юм. Наадмаас хойш Ерөнхийлөгч гал түймэртэй бүс нутагт өөрийн биеэр очиж ажиллаж, шаардлагатай арга хэмжээнүүдийг авахыг холбогдох хүмүүст нь даалгасан. Онцгой байдлынхан, гал түймэртэй тэмцэгчдийн техник хэрэгслийг сайжруулах, хүн хүрч болохгүй газарт гарч буй галыг унтраах зорилго бүхий онгоц авах ажлыг шийдвэрлэхийг ч сануулсан, даалгасан. Түүний энэ үйлдлийг Оросын Ерөнхийлөгч Путиныг дуурайлаа хэмээн харлуулах хэсэг бүлэг ч бас байна. Ц.Элбэгдорж ч ингэж шуудаж, ард түмнээс сайн нэр олох гэж явсан ч гэх шиг. Түүрүү түүрүүчийн Ерөнхийлөгч нараас нэг их гал түймэр гарсан газар өөрийн биеэр очоод, онцгой байдлынханд урам дэм өгөөд, бусад сайд, дарга нарыг хөдөлгөөд байсан хүн бий бил үү. Сайн санахгүй л байна. Ерөнхийлөгч нь өөрийн биеэр гал түймэр гарч байгаа бүсэд очоод, ажиллаад, шийдвэрлэх асуудал юу байна гээд явахаар сайдууд хүртэл ялхайгаад суугаад байдаггүй юм байна. Энэ чинь үлгэж, худлаа ярьж биш үлгэрлэж ажиллаж байгаагийн тод жишээ.

Үргэлжлэл нь III нүүрт

ОНЦЛОХ МЭДЭЭ

Р.ПҮРЭВДАГВА ганшиг наадамг ГУРАВ ДАРААЛАН түрүүлээ

О.УЯНГА

Гурван жилийн өмнөөс уламжлал болгон зохион байгуулагдаж байгаа “Даншиг-хүрээ цам” наадмын бөхийн барилдаан өчигдөр өндөрлөлөө. Өнөө жилийн Даншиг наадамд аварга Р.Пүрэвдагва, начин Б.Пүрэвсайхан, улсын заан Н.Түвшинбаяр, Б.Соронзонболд тэргүүтэй 256 бөх барилдсан юм. Тэгвэл энэ жилийн Даншиг наадамд Даншигийн аварга Р.Пүрэвдагва улсын заан Б.Соронзонболдоор найм даван гурав дахь удаагаа түрүүлээ. Даншиг наадам зохион байгуулж эхэлснээс хойш Р.Пүрэвдагва арслан ийн гурав дараалан түрүүлж, Даншигийн дайн аварга цол хүртлээ. Тэгвэл улсын заан Б.Соронзонболд үзүүлж, Даншигийн заан цол хүрсэн юм. Харин улсын заан Б.Пүрэвсайхан, улсын гарьд Б.Гончигдамба нар шөвгийн дөрөвт шалгарлаа.

МЭДЭЭЛЭЛ

П.СЭРГЭЛЭН: НЭГЖЭЭС ХУРААН АВАХ УРГАЦЫН ХЭМЖЭЭ ЭРС БУУРАХ МАГАДЛАЛТАЙ БАЙНА

Э.ТУУЛ

Улсын онцгой комисс энэ сарын 03-нд өвөлжилтийн бэлтгэл ажлын талаар хуралдлаа. Энэхүү хуралдааны эхэнд Хүнсхөдөө аж ахуй хөнгөн үйлдвэрийн сайд П.Сэргэлэн зуншлага, ургацын байдал, отор нүүдэл, өвөлжилтийн бэлтгэл ажил, цаг үеийн асуудлаар мэдээлэл хийв. ХХААХҮ-ийн сайд П.Сэргэлэн “Манай орны нийт нутгаар зуншлага оройтож байгааг холбогдуулан бүх аймгийн Засаг дарга, ХХААГ-ын дарга нарыг оролцуулсан цахим хурал зохион байгуулж

мал оторлолт, хадлан тэжээл бэлтгэл, мал сүргийг эрүүл мэндийн урьчилан сэргийлэх арга хэмжээнд хамруулах, өвчний голомт бүхий газруудад вакцинжуулалт хийх, ургацын урьдчилсан балансыг наймдугаар сарын 18-ны дотор гаргах, өвөлжилт, хаваржилтын бэлтгэл ажлыг сайтар хангах талаар үүрэг даалгавар өглөө. Ус цаг уур, орчны судалгаа, мэдээллийн хүрээлэн Ховд, Говь-Алтай, Архангай, Өвөрхангай, Булган, Төв, Баян-Өлгий, Увс, Завхан, Хөвсгөл, Баянхонгор, Өмнөговь, Дорноговь, Хэнтий,

Сүхбаатар, Дорнодын зарим нутгаар буюу нийт 150 орчим сумдын нутгаар гантай, Увс, Завхан, Хөвсгөл, Баянхонгор, Булган, Хэнтийн зарим нутгаар буюу нийт 50 гаруй суманд гандуу байна гэсэн гангийн үнэлгээ хийгээд байна. Үүнтэй холбогдуулан манай яам бүх аймгийн ХХААГазраас зуншлагын байдал, ургацын төлөв байдал, мал өвөлжилтийн бэлтгэл ажлын урьдчилсан дүн мэдээг авч нэгтгэн дүгнэлт хийж төлөвлөгөө боловсруулан ажиллаж байна.

Үргэлжлэл нь II нүүрт

ДЭЛХИЙ



НҮБ Хойд Солонгосын эсрэг хориггоо чангатгаж, Ш.Абэ Засгийн газраа шинэчилсэн долоо хоног

Б.ДАВААХҮҮ

Өнгөрсөн долоо хоногт дэлхий дахинаа өрсөсөн онцлох үйл явдлын талаар тоймлон хүргэе.

Хойд Солонгосын ашигт малтмалын экспортод хориг тавилаа

НҮБ-ын Аюулгүйн зөвлөл энэ сарын 05-ны өдрийн хуралдаанаараа Хойд Солонгосын нүүрс, төмөр, төмрийн хүдэр, хар тугалга зэрэг ашигт малтмалын бүх экспортод хориг тавих тухай АНУ-ын саналыг хэлэлцэж, 100 хувь дэмжлээ.

Үргэлжлэл нь IV нүүрт

Нийтлэл · Яри

БҮХ СЭДЭВ

Шилдэг · Архив

зугаагаа 2017

expo

50%

НИЙГЭМ МАРГААШН ЭХЭЛНЭ 2 цагийн өмнө

ШАР МЭДЭЭ

НИЙГЭМ МАРГААШНААС БҮСЭЭ ЧАНГАЛАХ САР ЭХЭЛНЭ 2 цагийн өмнө

АСЕМ-ын “Ази-Европын Хүнсний аюулгүй байдал”-ын

MMINFO АПП

Тал нутгийн өдөр тутмын мэдээ мэдээлэл таны гарт...

TATAХ PLAY STORE

TATAХ APP STORE

САНАЛ БОЛГОХ ШИНЭ МЭДЭЭ

ХААН банк

	Авах	Зарах		Авах	Зарах
АМ.ДОЛЛАР	2450.00	2469.00	ФУНТ	3180.00	3265.00
ЕВРО	2881.00	2948.00	РУБЛЬ	39.80	41.80
ИЕН	22.19	22.63	ЮАНЬ	363.50	367.50

Хугалгаа хөгжлийн банк

	Авах	Зарах		Авах	Зарах
АМ.ДОЛЛАР	2444.00	2464.00	ФУНТ	3157.00	3286.00
ЕВРО	2865.00	2971.00	РУБЛЬ	38.58	43.54
ИЕН	21.80	22.82	ЮАНЬ	363.00	366.40

Өчигдрийн 19.00 цагийн байдлаар

ДЭЛХИЙ

НУБ ХОЙД СОЛОНГОСЫН ЭСРЭГ ХОРИГОО ЧАНГАТГАЖ, Ш.АБЭ ЗАСГИЙН ГАЗРАА ШИНЭЧИЛСЭН 7 ХОНОГ

Үргэлжлэл.
Түрүүч нь I нүүрт


Мөн тус улсын гадаад худалдааны банкны дансыг царцааж, тэнгисийн цэргийн хөлөг онгоцыг нь бүх улсын боомт руу орохыг хориглосон байна. Түүнчлэн, энэ шийдвэрийн хүрээнд НУБ-ын гишүүн орнууд нутаг дэвсгэртээ Хойд Солонгосын ажилтнуудын тоог нэмэхгүй байх, тус улсын үйлдвэрүүдийг нь өргөжүүлэхгүй байх, шинээр хамтарсан үйлдвэр барихгүй байх үүрэг хүлээлээ. Пхеньян дээр дурьдсан ашигт малтмалын экспортоосоо жилд гурван тэрбум ам.долларын ашиг орлого олдог байна. Харин хориг арга хэмжээ хэрэгжиж эхэлснээр, жилийн орлого нь тэрбум орчим ам.доллаароор буурна гэж тооцжээ. Энэ жилийн нэгдүгээр сард Доналд Трамп АНУ-ын Ерөнхийлөгчөөр томилогдсоноос хойш Пхеньяны эсрэг хориг арга хэмжээг анх удаагаа чангатгаж буй нь энэ юм. БНХАУ ч холбоотон Хойд Солонгос улсын эсрэг хоригийг биелүүлэхэд бэлэн байгаагаа илэрхийлээд байна.

Өнгөрсөн сарын 4-нд Пхеньян тив алгасагч баллистик пуужингийн туршилт хийсэнтэй холбоотойгоор АНУ тус улсын эсрэг дахин шинэ хориг тавих талаар БНХАУ-тай хэлэлцээр хийж эхэлсэн байдаг. Гэтэл үүний дараа буюу мөн сарын 28-нд ч Пхеньян дахин тив алгасагч пуужин туршсан юм. Тиймээс НУБ-ын Аюулгүйн зөвлөл цөмийн зэвсгийн хөгжүүлэлтийн эсрэг тэмцлийн арга барилдаа дахин шинэчлэхэд хүрчээ. НУБ дахь АНУ-ын төлөөлөгч Никки Хале "Хойд Солонгос баллистик пуужин туршсантай холбоотойгоор тус улсын эсрэг авсан хориг арга хэмжээгээ чангатгаж, шинэ шатанд аваачихад хүргэсэн. Энэ удаагийн шийдвэр Ким Жон Унд анхааруулга болох байх" гэж хэвлэлд ярьсан байна. НУБ-ын Аюулгүйн зөвлөлийн гишүүд 100 хувь хориг арга хэмжээг чангатгахад санал нэгдсэний дараа Хале "Энэ удаагийн шийдвэр сүүлийн жилүүдэд авсан хориглоос хамгийн чанга нь" гэдгийг онцолжээ.

НУБ-ын гишүүн орнууд хоригийг хэрэгжүүлснээр, баллистик пуужин, цөмийн зэвсгийн хөгжүүлэлтээ үргэлжлүүлж буй Хойд Солонгос улсын эдийн засагт ноцтой үр дагавар учруулна гэж шинжээчид тооцож байна.

Шинзо Абэ гурав дахь Засгийн газраа байгууллаа

Дуулиан шуугиантай холбоотойгоор Засгийн газарт итгэх иргэдийн итгэлийг сэргээх зорилгоор Японы Ерөнхий сайд Шинзо Абэ танхимдаа шинэчлэлт хийв. Тэрбээр 19 сайдынхаа 14-ийг нь шинээр томилон, бүрэлдэхүүнийг баталжээ. Японы Ерөнхий сайд Шинзо Абэгийн тухайд гурав дахь удаагаа Засгийн газрынхаа сайд нарыг огцруулан шинээр томилж буй нь энэ юм. Энэ удаагийн халаа сэлгээгээр түүний ойрын нөхөд гэгддэг Сангийн сайд Таро Асо, Сайд нарын танхимын Ерөнхий нарийн бичгийн дарга Ёшихидэ Суга, Эдийн засаг, худалдаа, аж үйлдвэрийн сайд Хирошигэ Сэко нар албан тушаалдаа хэвээр



...Д.Трампын тухайд өмнөх Ерөнхийлөгч Барак Обамаг амралтаа авахад нь шүүмжилж, өөрөө хэрэв Ерөнхийлөгч болбол амрахгүй хэмээж байсан ч, эхний жилдээ 17 хоногийн амралт авсан нь хэвлэлийнхний шүүмжлэлд өртсөн. Гэсэн ч, Цагаан ордноос "Ерөнхийлөгч ажиллангаа амарсантай ялгаагүй" гэж тайлбарласны зэрэгцээ Вашингтон ДС хот дахь Ерөнхийлөгчийн ордны баруун жигүүрийн агааржуулалтын системийг шинэчлэхээр болсныг мэдэгджээ. 2012 онд Трамп твиттер хуудастаа "Ажил чинь уйтгартай санагдаж байвал, тохирохгүй л байна гэсэн үг дээ" хэмээн жиргэн шүүмжилж байсан юм...

сайдаар Эдийн засгийн яамны тэргүүн асан Тосимицу Мотэги нар тус тус томилогдсон байна. Түүний шинээр бүрдүүлсэн гурав дахь удаагийн Засгийн газар хоёр эмэгтэй сайд багтжээ. Тэдний нэг нь Сейко Нода. Тэрбээр шинэ Засгийн газарт Дотоод хэрэг, харилцаа холбооны сайдаар томилогдсон нь хамгийн их анхаарал татсан томилоо байсан юм. Нода сайд болсныхоо дараа 2018 оны эрх баригч намын даргын сонгуульд нэр дэвшинэ гэдгээ ч илэрхийлээд амжсан. Мөн нэг сонирхолтой мэдээлэл байгаа нь Сейко Нода Токиогийн парламентын сонгуульд ялалт байгуулсан сөрөг хүчний лидер Юрико Койкэгийн дотны найз гэнэ.

Ямартай ч, Шинзо Абэгийн Засгийн газрын шинэчлэлт, халаа сэлгээний дараа ард иргэдийн итгэл сэргэж эхэлсэн дүн гарчээ. Тухайлбал, "Кёодо" агентлагийн явуулсан санал асуулгад оролцогсдын 44.4 хувь нь Засгийн газрын шинэчлэлийг эергээр үнэлсэн байна. Өмнө нь сайд нарын танхимын үйл ажиллагааг дэмжигчдийн хувь 35 хүртлээ унасан байсан юм. Мөн сайдуудын томилгоо 55 хувь нь дэмжиж буйгаа илэрхийлжээ.

В.Путин, Д.Трамп нар амралтаа авлаа

Өнгөрсөн долоо хоногт дэлхий дахинаа хамгийн их анхаарал татсан үйл явдал нь дэлхийн хүчирхэг хоёр гүрний төрийн тэргүүнүүдийн зуны амралт байлаа. АНУ, ОХУ-ын төрийн тэргүүнүүд өнгөрсөн долоо хоногос эхлэн амралтаа авсан юм. АНУ-ын Ерөнхийлөгч Доналд Трамп энэ сарын 4-нөөс эхлэн 17 хоногийн амралт авч, НьюЖерсимужийн Бедминстер дэх өөрийн эзэмшлийн гольфын ресорт руугаа явсан бол ОХУ-ын төрийн тэргүүн В.Путин Сибирийн Тувад загасчлан амарчээ. Түүнтэй хамт тус улсын Батлан хамгаалахын сайд Сергей Шойгу нарын сайд нар амарсан байна. Д.Трампын тухайд өмнөх Ерөнхийлөгч Барак Обамаг амралтаа авахад нь шүүмжилж, өөрөө хэрэв Ерөнхийлөгч болбол амрахгүй хэмээж байсан ч, эхний жилдээ 17 хоногийн амралт авсан нь хэвлэлийнхний шүүмжлэлд өртсөн. Гэсэн ч, Цагаан ордноос "Ерөнхийлөгч ажиллангаа амарсантай ялгаагүй" гэж тайлбарласны зэрэгцээ Вашингтон ДС хот дахь Ерөнхийлөгчийн ордны

баруун жигүүрийн агааржуулалтын системийг шинэчлэхээр болсныг мэдэгджээ. 2012 онд Трамп твиттер хуудастаа "Ажил чинь уйтгартай санагдаж байвал, тохирохгүй л байна гэсэн үг дээ" хэмээн жиргэн шүүмжилж байсан юм. Гэхдээ Вашингтон пост сонинд бичсэнээр тэрбээр тангаргаа өргөснөөсөө хойш наймдугаар сарын сүүлч хүртэл Трамп 53 өдөр амрах бол өмнөх төрийн тэргүүн Барак Обама 2009 онд ердөө 15 хоног л амарч байжээ. АНУ-ын төрийн тэргүүний тухайд ийнхүү өмнө нь хэлсэн үгнээсээ болж шүүмжлэлд өртсөн бол ОХУ-ын Ерөнхийлөгчийн амарч буй зургууд олны анхаарлыг татсан юм.

2028 оны олимпын бамбар Лос-Анжелест асна

Лос-Анжелес хот Олон улсын олимпын хороотой тохиролцоонд хүрснээ өнгөрөгч даваа гарагт зарласан. Тус шийдвэрийн дагуу 2024 оны олимп Францын нийслэл Парис хотноо, харин 2028 оны олимпын бамбар АНУ-ын Лос-Анжелес хотод асах

нь тодорхой боллоо. 2020 оны олимп Японы нийслэл Токио хотод болно. Харин 2024 болон 2028 оны олимпын наадмыг аль улс зохион байгуулахыг ОУОХ хамтад нь тодруулсан нь тодорхойгүй нөхцөл байдал үүсгээд байв. Угтаа 2024 оны олимпыг зохион байгуулахаар АНУ болон Европын хэд хэдэн хот саналаа өгсөн байдаг ч, Лос-Анжелес, Парис хоёр үлдсэн. Гэвч, Парис өмнө нь хэдэнтээ санал өгөөд татгалзсан хару авч байсан учир цаашид өрсөлдөхгүй гэдгээ мэдэгдсэнээр талууд тохиролцон Лос-Анжелес 2028 оны олимпыг зохион байгуулахаар болсон байна. Хэрэв хоёр хот тохиролцоонд хүрээгүй бол аль нь эхэлж 2024 оны Олимпын тоглолтыг зохион байгуулах вэ гэдгийг энэ оны есдүгээр сард Перу улсын нийслэл Лима хотод болох ОУОХ-ны 131 дүгээр чуулганы үеэр тодруулах байжээ. Парис болон Лос-Анжелесын хувьд өмнө нь тус бүр хоёр удаа Олимпын наадмыг зохион байгуулж байсан туршилагатай хотууд. Тодруулбал, Парис хот 1900 болон 1920 онд Олимпыг хүлээн авч байсан бол Лос-Анжелес хот 1932 он болон 1984 онд Олимпын наадам зохион байгуулж байжээ.

"Daesang" брэндийн бүтээгдэхүүн танилцуулах өдөрлөг боллоо



БНСУ-ын "Daesang" брэндийн бүтээгдэхүүн танилцуулах өдөрлөг "Чингис хаан" зочид буудлын "Тэмүүжин" ресторанд боллоо. "E-mart" сүлжээ дэлгүүр Монголд нээлтээ хийсний нэг жилийн ой долдугаар сарын 28-нд тохиожээ. Ойн хүрээнд БНСУ-ын "Daesang" үйлдвэр хамтын ажиллагааны хүрээнд энэхүү арга хэмжээг зохион байгуулав. Бүтээгдэхүүн танилцуулах өдөрлөгөөр "Daesang" брэндийн бүтээгдэхүүнийг "E-mart" дэлгүүрийн үйлчлүүлэгчдэд танилцуулах болон солонгос хоолыг гэртээ хялбар аргаар хийх аргачлалыг иргэд, үйлчлүүлэгчдэд зааж, сурталчиллаа. Тус брэндийн хоолны бүтээгдэхүүний хөгжлүүлт хариуцсан, судлаач, тогооч Шин Сү Гён өдөрлөгт хүрэлцэн ирсэн үйлчлүүлэгчдэд таван төрлийн солонгос хоолыг гэрийн нөхцөлд "Daesang" брэндийн бүтээгдэхүүнээр хэрхэн борлуулагдаж байна. "Daesang" үйлдвэр нь бүтээгдэхүүнээ "E-mart" сүлжээ дэлгүүрт албан ёсоор нийлүүлж байгаа тул тус брэндийн бүтээгдэхүүнийг "E-mart" сүлжээ дэлгүүрээс худалдан авах боломжтой болжээ.

ХУЧИНГҮЙД ТООЦОВ

- Ванжиндолгор овогтой Үүрийнтуяагийн эзэмшлийн ГО918001122 улсын бүртгэлийн дугаартай, 000117258 гэрчилгээний дугаартай хашаа байшингийн гэрчилгээ гээгдүүлсэн тул
- Батжаргал овогтой Галсангийн УГ59051011 регистрийн дугаартай, 239 дугаар бүхий газар эзэмшлийн гэрчилгээ гээгдүүлсэн тул тус тус хүчингүйд тооцов.



ОНЦЛОХ ХУУДАС

ХЭНИЙГ НЬ ЗОЛИОСЛОХ ГЭЭД БАЙНА ВЭ?

Эсрэг тэсрэг байр суурь

Ж.Эрдэнэбат:
Миний эрхэлж буй
албан тушаалын
байдлыг үл харгалзан
бодит үнэнийг
тогтоож өгнө үү



/Монгол Улсын Ерөнхий сайд/

Ерөнхий сайд Ж.Эрдэнэбат Цагдаагийн байгууллагад өөрийгөө болон иргэн н.Энхмэнд, н.Золбаяр нарыг шалгуулахаар энэ сарын 03-нд гомдол гаргасан тухай мэдээлэл цацагдав. Тодруулбал, өчигдрөөс эхлэн сошиал орчинд н.Энхмэнд, н.Золбаяр нарын хүмүүс “Би Ерөнхий сайд Ж.Эрдэнэбатын даалгавраар У.Хүрэлсүхийг өдөж, зодоон үүсгэхийн тулд хэд хоног дагасан” гэсэн мэдэгдэл бүхий бичлэг цацагдсан. Энэхүү мэдээллийг Ерөнхий сайд Ж.Эрдэнэбат нэр төрд нь халдах гэсэн бусдын зохион байгуулалттай үйлдэл хэмээн үзэж, цагдаагийн байгууллагад шалгуулахаар хандсан байна.

Тэрбээр ЦЕГ-ын дарга Ө.Энхтөрд хандан гаргасан гомдолдоо “Сошиал буюу интернэт орчныг ашиглан бусдыг гүтгэн доромжлох, нэр хүндийг нь унагаан харлуулах, зохисгүй үзэгдэл хэрээс хэтэрч байгааг хууль хяналтын байгууллага анхааралдаа авах шаардлага бий болжээ. Иргэдийн интернэтийн хэрэглээ өргөжихийн хэрээр энэ мэт саар үзэгдэл газар авч, улмаар хэсэг бүлэг хүмүүс зөвхөн дээрх зорилгоор нэгдсэн зохион байгуулалтад орсон нь нууц биш болжээ.

Өчигдөр буюу 2017 наймдугаар сарын 02-ны өдрөөс олон нийтийн мэдээллийн хэрэгсэл, сайтуудыг ашиглан ашиглан миний биенийг зохион байгуулалттайгаар Монгол Улсын Шадар сайд У.Хүрэлсүхийг танхайн гэмт хэрэг үйлдсэн мэтээр харагдуулах зорилготой ажиллагааг бусдад захиалга өгч гүйцэтгүүлсэн мэт дуу, дүрс бүхий бичлэгийг тараасан байна. Уг бичлэг, дуу оруулалт, монтаж, найруулга, зохиол бүхий байгаа нь тодорхой хөрөнгө шаардсан нарийн зохион байгуулалт бүхий ажил болох нь харагдаж байна.

Миний ажил хэргийн болоод хувь хүний нэр төр, алдар хүндийг олон нийтэд гутаан доромжлох зорилготой энэхүү үйл ажиллагаа нь тухайн бичлэгийн зохиомол байдлаар хязгаарлагдсан, эсхүл үнэхээр дүрс бичлэгт нэр дурьдагдсан нэр бүхий хүмүүс болох н.Золбаяр, н.Энхмэнд гэх хүмүүсийн оролцоотойгоор хийгдсэн бодитой, зохион байгуулалттай ажиллагаа юу гэдэг асуудал, түүний үнэн мөнгийг олж тогтоох нь чухал байна.

Дүрс бичлэгт байх гэрч нарын мэдүүлэгт нэр дурьдагдсан н.Энхмэнд, н.Зол-Эрдэнэ нарын хүмүүс өмнө нь Тагнуулын байгууллагад ажиллаж байсан, гүйцэтгэх ажлын туршлага, мэдлэг бүхий хүмүүс байгааг шалгалтын ажиллагаандаа онцгой анхаарч үзэх шаардлагатай байна.

Иймд дараах асуудлуудыг шалгуулах хүсэлтэй байна.
 Үүнд:

1. Уг бичлэгийг зохион байгуулалттай, урьдаас төлөвлөж, найруулж, монтаж, дуу оруулалт, тайлбар бүхий зохиомжилсон нь нэгэнт тодорхой байна. Иймд дүрс бичлэгийг хэний захиалгаар, хэн, хэзээ хийсэн болох;
2. Дүрс бичлэгт дурьдагдсан үйл явдал үнэхээр болсон эсэх, үнэхээр дээрх зохион байгуулалт бүхий ажиллагаа явагдсан бол үүнийг хэний захиалга, хүсэлтээр гүйцэтгэсэн болох, ямар учраас миний биенийг хамаатуулсан болох зэргийг богино хугацаанд нэг мөр шалгаж, тогтоолгох хүсэлтэй байна.

Дээрх үйлдлийг бүхэлд нь дүгнэн үзвэл Монгол Улсын Эрүүгийн хуулийн 20 дугаар бүлгийн 20.3 дахь хэсэгт заасан “Зохион байгуулалттай гэмт бүлэг байгуулах, түүнд элсэх” гэмт хэргийн шинжтэй байгааг анхаарна уу.

Миний бие өөрийн гаргасан гомдолд дурьдсан асуудлаар эрх бүхий байгууллага, албан тушаалтанд биечлэн тайлбар, мэдүүлэг өгөх, баримт сэлт гаргах зэргээр иргэнийг хуувь эрхээ эдэлж, үүрэг хүлээж оролцох бөгөөд та бүхэн шалгалтын ажиллагааг миний эрхэлж буй албан тушаалын байдлыг үл харгалзан шуудаар явуулж, бодит үнэнийг тогтоож өгнө гэдэгт найдаж байна” хэмээжээ.

...Миний бие өөрийн гаргасан гомдолд дурьдсан асуудлаар эрх бүхий байгууллага, албан тушаалтанд биечлэн тайлбар, мэдүүлэг өгөх, баримт сэлт гаргах зэргээр иргэнийг хуувь эрхээ эдэлнэ...

...Шадар сайдын ажлын алба мэдэгдэж байгаа. Энэ хэрэг явдлыг хууль хяналтын байгууллага шалгаж байгаа учраас сэтгүүлчдийн асуултад хариулт өгөх боломжгүй байгаа гэдгийг хэлье...



А.Уйлстөгөлдөр:
Шадар сайд
У.Хүрэлсүхтэй
холбогдох хэргийг
хууль хяналтын
байгууллага шалгаж
байгаа

/Шадар сайдын зөвлөх/

Дээрх асуудалтай холбогдуулан Монгол Улсын Шадар сайд У.Хүрэлсүхийн Ажлын албанаас мэдээлэл хийлээ. Энэ үеэр Монгол Улсын Шадар сайдын Ажлын албаны дарга Б.Энх-Амгалан “Өчигдрөөс эхлэн мэдээллийн сүлжээгээр У.Хүрэлсүхийг мөрдсөн талаар асуудал гарч ирлээ. Харамсалтай нь нийм явдал болсон нь үнэн. Бид 2017 оны долдугаар сарын 3-ны өдөр Авлигатай тэмцэх газар, Тагнуулын ерөнхий газарт хандсан. Шадар сайдын хувьд энэ асуудалд нухацтай хандах үүрэг өгсөн. Энэ асуудал одоо шалгагдаж байна” гэсэн юм. Харин уг ажлын хэсгийн ажлагч А.Уйлстөгөлдөр “Сарын өмнө бидэнд Шадар сайд У.Хүрэлсүхийг хууль бусаар мөрдөж эхэлсэн тухай мэдээлэл ирсэн. Энэ асуудлыг Шадар сайдад танилцуулахад “Хуулийн байгууллагаар шалгуулах нь зүйтэй” гэж үзсэн. Ийм учраас долдугаар сарын 03-нд Тагнуулын ерөнхий газрын дарга Б.Хурц, Авлигатай тэмцэх газрын дарга Х.Энхжаргал нарт хандан албан бичиг хүргүүлсэн. Албан бичигт “Монгол Улсын Шадар сайд У.Хүрэлсүхийн амь нас, эрүүл мэндэд халдах зохион байгуулалттай үйл ажиллагааг нэр бүхий албан тушаалтан зохион байгуулж болзошгүй гэж үзэж байгаа тул уг асуудлыг хууль тогтоомжийн хүрээнд нягтлан шалгаж, яаралтай арга хэмжээ авна уу” гэж бичсэн байгаа. Одоогоор дээрх газруудаас ямар нэгэн хариу ирүүлээгүй байна. Дөрөв хоногийн өмнө /2017.08.01/ мөн УИХ-ын Аюулгүй байдал, гадаад бодлогын байнгын хорооны дарга Ж.Энхбаярт хандсан. Яагаад гэвэл энэ хэрэг явдалтай холбоотой гэх бичлэг олон нийтийн сүлжээгээр цацагдаж эхэлсэн. Албан бичигт “Монгол Улсын Шадар сайд У.Хүрэлсүхийн амь нас, эрүүл мэнд, аюулгүй байдалд халдахаар Монгол Улсын зарим иргэд хууль бусаар чагнах, тагнах ажиллагаа явуулж байгаа талаар Шадар сайдын албанд мэдээлэл ирүүлсний дагуу холбогдох байгууллагаар шалгаж, тогтоолгох тухай албан бичиг явуулсан. Энэ үйлдэл нь Монгол Улсын Үндсэн хууль, Эрүүгийн хууль болон холбогдох бусад хууль тогтоомжийг зөрчсөн, төрийн өндөр дээд албан тушаалтны амь нас, аюулгүй байдалд заналхийлсэн. Цаашлаад төрийн сайдыг тагнах, чагнах байдлаар хууль бус гүйцэтгэх ажиллагаа явуулах замаар үндэсний аюулгүй байдалд хохирол учруулах гэсэн ноцтой үйлдэл тул Аюулгүй байдлын байнгын хороонд хандаж байна. УИХ-ын Тусгай хяналтын дэд хороонд мөн хандсан байгаа. Та бүхэнд хариуцлагатай хэлэхэд энэ явдлын талаар баримт бичиг болон CD хувилбараар ирсэн нь үнэн. Энэхүү явдалд бид маш их сэтгэл зовниж байна. Энэ хэрэгтэй холбоотой гэрчүүдэд санаа зовниж байна. Хуулийн байгууллагаар аюулгүй байдлыг хангах, гэрчүүдийг хяналтдаа авах нь зүйтэй гэж Шадар сайдын ажлын алба мэдэгдэж байгаа. Энэ хэрэг явдлыг хууль хяналтын байгууллага шалгаж байгаа учраас сэтгүүлчдийн асуултад хариулт өгөх боломжгүй байгаа гэдгийг хэлье” гэсэн юм.

Сэтгүүлчийн дүгнэлт

ЭРХ МЭДЛИЙН ТӨЛӨӨ ШОУДАЖ БАЙГАА ЮМ БИШ ҮҮ

Э.ТУУЛ

Монгол Улсын Ерөнхийлөгчийн 2017 оны сонгуульд МАН-аас нэр дэвшин, ялагдсан УИХ-ын дарга, МАН-ын дарга М.Энхболд өөрийн фэйсбүүк хуудастаа “2017 оны долдугаар сарын 08-ны өдрийн МАН-ын Удирдах зөвлөлийн 10 дугаар хурлаар би дараах асуудлыг оруулж хэлэлцүүлсэн. Үүнд, ард түмний сонголтгүй хүндэтгэн үзэж, шинэ ерөнхийлөгчийг наадмын өмнө тангараг өргүүлэх, Ерөнхийлөгчийн сонгуулийн үйл ажиллагаа, үр дүнгийн талаар анализ хийж, дүгнэлт гаргах, 2017 оны есдүгээр сард намын бага хурлыг зарлан хуралдуулах, сонгуулийн үр дүнгийн талаарх дүгнэлтийг хэлэлцэх, намын их хурлыг товлон зарлах, МАН-ын ээлжит их хурлаар өнгөрсөн 27 дугаар их хурлаас хойших үр дүн, алдаа дутагдлыг авч хэлэлцэх, намын дунд хугацааны зорилго зорилтыг тодорхойлох, намын шинэ удирдлагыг сонгох, 2020 оны сонгуульд бэлтгэх ажлыг эхлүүлэх нь зүйтэй хэмээн санал оруулсныг Удирдах Зөвлөлийн гишүүд дэмжсэн болно” гэж мэдээлсэн билээ. Энэ дундаас “намын шинэ удирдлагыг сонгох” гэсэн асуудал нэлээд эрчээ авч, намын шинэ даргад өрсөлдөгчид хэдийнэ тодорчихоод байгаа сурагтай. Үүнтэй зэрэгцэн сошиал орчинд

“Social News Mongolia” хэмээх хаягнаас “Анхаар!! Маш ноцтой бичлэг... Төрийн сайд хүнийг ингэж байхад энгийн иргэн бол цаашаа юм байна...” гэсэн гарчиг бүхий видео бичлэг цацагдаж, олны анхаарлыг татсан. Учир нь уг бичлэгт гарч буй гэрч Чойжилсүрэнгийн Батболд гэгч нь “Ерөнхий сайд Ж.Эрдэнэбатын даалгавраар Шадар сайд У.Хүрэлсүхийг дагаж, ямар нэг аргаар өдөж хоргоож байгаад цагдаагийн байгууллагад өргөдөл өгөх” даалгаврыг биелүүлэх ёстой байсан ч энэ ажил гэнэт таалагдахаа больсон тул нэрээ татаж, бас энэхүү бусармаг үйл ажиллагааг илчлэхээр шийдсэн гэж байгаа. Тэгвэл энэ бичлэг цацагдсаны дараахан буюу энэ сарын 03-нд Монгол Улсын Ерөнхий сайд Ж.Эрдэнэбат цагдаагийн байгууллагад гомдол гаргаж, нэр төр, алдар хүндээ сэргээгдэхээс гадна энэ жүжгийг хэн тавиад байгааг олж илрүүлэхийг хүсэв. Үнэхээр ийм хэрэг үйлдсэн бол илрүүлдэг өгөөч ээ гээд зогсож байхгүй нь лавтай. Тиймээс түүнийг буруутгах үндэслэл энд алга. Энэ бол эрх мэдлийн төлөөх “жүжиг” гэдгийг эсрэг тал нь хэлээд өгчхлөө шүү дээ, бараг. Тодруулбал, Ерөнхий сайдыг хууль хяналтын байгууллагад хандаж, гомдлоо гаргаж байх зуур, тус бичлэгт нэр дурьдагдаад буй гол баатар болох У.Хүрэлсүх ажлын албаныхаа залуусыг өмнөөсөө гүйлгэж, хэвлэлийн хурал зарлуулах, амь насанд нь аюул занал учирсан мэтээр яруулаад амжив. Үнэн хэрэгтээ төрийн тусгай хамгаалалтад байх ёстой Ерөнхий сайд маань иргэний хувиар гомдлоо хууль хяналтын байгууллагад нь гаргаж өгчихөөд байхад Шадар сайдын ажлын алба нь түүний өмнө бөхөлзөөд, бичиг шидэлцээд байгаа нь утгагүй санагдана. Шадар сайд бол төрийн тусгай хамгаалалтад байдаггүй албан тушаалтан. Ямар хувийн компанийн захирал биш дээ. Өөртэй нь холбоотой асуудал гарсан юм бол хувь хүнийхээ үүднээс холбогдох байгууллагад өөрөө гомдлоо гаргаж болно оо доо, энэ чинь одоо. Гэтэл төрийн албан хаагчид дарга нарынхаа өмнүүр орж, гүйлдээд байгаа нь энэ үйл явдлыг “жүжиг” гэж харахад хүргээд байгаа юм. Бас болоогүй ээ, дээрх бичлэгийн II анги “Цензүргүй үгс” гэх пэйж хуудсаар энэ сарын 05-нд “Шадар сайдад халдах “G” ажиллагааны тухай хөдлөшгүй баримтууд” гэсэн гарчигтай цацагдаж, зарим телевизүүдээр төлбөртэй гарав. Тэгэхээр энэ бичлэгийг У.Хүрэлсүхийн талаас хийж, өрөвдүүлэх тактик хэрэглэхээр шийдвэр үү хэмээн хардахад хүргээд байгаа юм. Учир нь өнөөдөр МАН дотор намын даргын суудлын төлөөх фракци хоорондын зөрчилдөөн дээд цэгтээ хүрч, халаа салгээ, хариуцлагын дайн өрнөж байгаа нь хэн бүхэнд тодорхой. Эх сурвалжийн мэдээлж буйгаар, МАН-ын шинэ даргад Ерөнхий сайд Ж.Эрдэнэбат, Шадар сайд У.Хүрэлсүх нарын нэр яригдаж байгаа гэх. Тиймээс ч У.Хүрэлсүх энэ суудал, эрх мэдлийн төлөө их дайнаа эхлүүлдэг байгаа нь энэ бололтой гэлцэх хүмүүс ч цөөнгүй болжээ. Энэ бүхнээс харахад Ерөнхийлөгчийн сонгуулийн ялагдлын улмаас сулрах албан тушаалын төлөө МАН-ын дотоод тэмцэл нэлээд хурцдаг төлөвтэй. Ер нь ч тэгээд “Айсан хүн адуу хөөж, ичсэн хүн хүн алдаг”-ийн үлгэрээр энэ жүжгийн найруулагч нь тун удахгүй тодрох байлгүй дээ, хөөрхий.

ЗАВСАРЛАГА

ТОМИЛОЛТ

ӨНДӨР ГЭГЭЭНИЙ НУТГИЙНХАН

ӨРГӨН ДЭЛЭР НААДАВ



Гэрэл зургийг Г.АРИУУЖИН

Н.БАТЗАЯА

Хүүхэд, багачуудын гийнгоо цангинаж, хүчит бөхийн барилдаанд хорхойссондоо өөрөө босоод барилдах нь уу гэлтэй сандал дээрээ өндөлзөн суух ахмадууд, өнгө алагласан монгол дээлээ жавхайтал бүслэсэн охид бүсгүйчүүд, амаа мэдэхгүй үрээндээ ташуур нэмэн хурдлах хүдэр эрчүүдээс шүү сайхан нь орчлон ертөнцөд үгүй мэт санагдана. Ай даа эх орны минь баруун элгэнд эрхлэх Өврийн сайхан хангай нутгийн наадам хурд, хүч, дуу хуур, айраг, цагаан идээнд бялхан өргөн дэлгэр боллоо. Энэ жил Өвөрхангай аймгийн Арвайхээр хот үүсэн байгуулагдсаны түүхт 290 жилийн ойн баяр наадам, ойн хамт "Арвагар хээрийн их хурд-2017" хангайн бүсийн уралдаан, "Монгол түмний морины их шүтээн цогцолбор"-ын 10 жилийн ой тохиож, наадамчин олны сэтгэлийг баягалаа. Тус нутгаас Монголын анхны гэсэн эрдэмтэн мэргэд, генерал, гавьяатунд төрөн гарсан түүхтэй. Тухайлбал, Өндөр гэзгэн Занабазар, БНМАУ-ын баатар Л.Аюуш, олон түмнээ "Мээтэн" гэж алдаршсан Монгол Улсын арслан О.Аюур, Төрийн соёрхолт, яруу найрагч Ц.Гайтаа, Монгол Улсын Гавьяат жүжигчин Д.Галсанбат гэх зэргээр дурьдаад байвал дуусашгүй. Эх орныхоо төлөө хөдөлмөрлөж, ихийг бүтээж чадсан энэ л алдартнуудын өлгий нутаг, түүхт Арвайхээр хотынхоо 290 жилийн ойн баяр наадамд зориулж, нутгийн удирдлагууд хэд хэдэн томоохон бүтээн байгуулалтын ажил хийжээ. Дээрх ажлаа наадмын өдрүүдэд танилцуулж байлаа. Тодруулбал, Монгол Улсын дархан аварга Д.Цэрэнтогтохын гэрэлт хөшөөг босгож, сум дотроо хатуу хучилттай зам шинээр тавьсан гээд олон бүтээлч ажлаар ойн баяраа угтсан нь ард иргэдийн талархлыг хүлээ.

Хүчит бөхийн барилдаанд Т.Санчир түрүүлээ



Түүхт Арвайхээр хот үүсэн байгуулагдсаны баяр наадмын хүчит бөхийн барилдаанд нийт 128 бөх зодоглосноос Өвөрхангай аймгийн Хархорин сумын харьяат, "АПУ" хувьцаат компани, Хилийн цэргийн 0146 дугаар анги, Их Монголын Хүчтэн Дэвжээний бөх улсын өсөх идэр заан Т.Санчир түрүүлж, Архангай аймгийн Эрдэнэбулган сумын харьяат, "Алдар" спорт хороо, Зэвсэгт хүчний 150 дугаар анги, "Алтан Дорнод Монгол" компани, "Бөх Билэгт" дэвжээний бөх улсын арслан Р.Пүрэвдагва үзүүрлэж наадамчин олноо баярлуулсан юм. Харин Өвөрхангай аймгийн Уянга сумын харьяат, "Алдар" спорт хороо, Зэвсэгт хүчний 0101 дүгээр анги, "Контейнер Хаус" компани, Их Монголын Хүчтэн Дэвжээний бөх улсын харцага Х.Гантулга, Өвөрхангай аймгийн Тарагт сумын харьяат, Өвөрхангай аймгийн цагдаагийн газар, "МАКС" групп, Их Монголын Хүчтэн Дэвжээний бөх улсын начин Б.Сангисүрэн нар их шөвөгт шалгарав.

Арвайхээр хотод 0.788 км хатуу хучилттай зам тавьжээ



Өвөрхангай аймгийн Арвайхээр сумын 290 жилийн ойн баяр наадмын хүрээнд бүтээн байгуулалтын олон ажил тус суманд өрнөж байна. Түүний нэг нь 0.788 км үргэлжлэх замын ажил юм. Тэгвэл энэ сарын 28-нд дээрх хатуу хучилттай замын нээлт боллоо. Нээлтийн үйл ажиллагаанд тус аймгийн Засаг дарга Г.Ганболд тэргүүтэй холбогдох албаны хүмүүс оролцов. Уг үйл ажиллагааг нээж, Өвөрхангай аймгийн Засаг дарга Г.Ганболд "Арвайхээрчүүд бид түүхт 290 жилийн ойн баяраа угтан олон бүтээн байгуулалтын ажил хийж байгаагийн нэг нь I-IX дүгээр багийн чиглэл дэх 0.788 км бүхий явган болон авто замыг барин өнөөдөр хүлээлгэн өглөө. Зам дагаж хөгжил ирнэ гэж монголчууд ярьдаг. I-IX дүгээр багийн иргэд ая тухтай, тоос шороогүй тохилог орчинд амьдрах нөхцөл бүрдлээ. Нөгөө талаас зам дагаж дэлгүүр, худалдаа үйлчилгээний байгууллагууд ажиллах боломжтой болсон. Цаашид аймгийн ИТХ, Засаг даргын зүгээс Арвайхээр сумын автозамын сүлжээг өргөтгөж бодлогыг нэн тэргүүнд баримтлан ажиллана. Мөн УИХ-ын гишүүдтэй хамтран Монгол Улсын Засгийн газраас хэрэгжүүлж буй "Гудамж" төслийг аймагтаа хэрэгжүүлэхээр ажиллаж байна. Ингэснээр дэд бүтцийн хувьд томоохон хот болох боломж нээгдэнэ. Энэхүү 0.788 км хатуу хучилттай замын бүтээл байгуулалтын ажлыг хугацаанд нь гүйцэтгэсэн компанийн хамт олонд талархал илэрхийлэе" гэв. Уг замын ажлыг "Өндөрсант хайрхан" компани гүйцэтгэсэн бөгөөд нийт 618 сая төгрөгийн хөрөнгө оруулалтаар хийсэн байна. Нээлтийн үеэр тус компанийн хамт олон гэрээнд заасан хугацаанаас өмнө замын ажлаа хүлээлгэн өгсөн хэмээн онцолж байв.

"Халхын хар аварга"-ын гэрэлт хөшөө сүндэрлэв

Өвөрхангай аймгийн төв Арвайхээр хот үүсэн байгуулагдсаны 290 жилийн ойн хүрээнд хийж, хэрэгжүүлсэн олон ажлын нэг нь олноо "Халхын хар аварга" хэмээн алдаршсан Монгол Улсын Хөдөлмөрийн баатар, гавьяат тамирчин, даяар дуурсагдах дархан аварга Д.Цэрэнтогтох агсны хүрэл хөшөө байлаа. Уг хөшөөний нээлтийн үйл ажиллагаа энэ сарын 28-нд болсон бөгөөд Өвөрхангай аймгийн спортын төв ордныг мөн Д.Цэрэнтогтох аваргын нэрэмжит болгосон юм. Томдсон малгай, гутал өмссөн дөрвөн жаалаар хүрээлүүлж зогссон хүрэл өнгөтэй хөшөө бол улсад дөрөв түрүүлж, таван удаа үзүүрлэж, 21 удаа шөвгөрсөн Монгол Улсын Хөдөлмөрийн баатар, гавьяат тамирчин, дархан аварга Д.Цэрэнтогтох



агсных. Хүү төрвөл дандаа бөх болоорой гэж бэлгэшээдэг монголчуудын бэлгэдлийг бодож, аймгийнхаа нэрийг дуурсгасан бөх олноор төрөөсэй гэж ерөөн, өвөрхангайчууд Д.Цэрэнтогтох агсны хөшөөг ийн дөрвөн бөх хүүгээр хүрээлүүлжээ. Дөрвөн хүүгийн хөшөөг нь Өвөрхангай аймгийн Нарийнтээл сум буюу аваргын төрсөн нутгаас боржин чулууг авчирч сийлсэн аж. Хөшөө нь 5.7 метр өндөр, дороо суурьтай. Мөн Д.Цэрэнтогтох аваргын ид залуудаа барилдаж, улсад анх түрүүлж байсан үеийн дүр төрхөөр бүтээснээрээ онцлог юм. Д.Цэрэнтогтох агсны дурсгалын хөшөөний нээлтэд Өвөрхангай аймагсаа сонгогдсон УИХ-ын гишүүд болон гэр бүл, багш, найз нөхөд, шавь нар оролцож, сэтгэлийн үгээ хэлсэн юм. Тухайлбал, Д.Цэрэнтогтох агсны гэргий О.Отгон "Ханийн минь хөдөлмөрийг үнэлж, хөшөөг нь босгосон нутгийн удирдлагууддаа маш их баярлалаа. Нутгийнхаа нийт зон олон, Өвөрхангай аймгийн Засаг дарга Г.Ганболд, Өвөрхангай аймгийн Улаанбаатар хот дахь нутгийн зөвлөлийн дарга С.Чинзориг болон бусад бүх хүмүүст маш их баярлаж байна. Миний ханийн хөдөлмөр зүтгэлийг үнэлж, хөшөөг босгож байгаад туйлын их баяртай байна. Өвөрхангайчууддаа ажлын өндөр амжилт, сайн сайхан бүхнийг хүсэн ерөөе. Мөн энэ жил манай сумын 290 жилийн ой тохиож байгаа. Төвийн бүсийн наадамдаа шандаст хүлгүүд нь хурдан, хүчит бөхчүүд нь хүчтэй, сум нь мэргэн байж, сайхан наадаарай" хэмээн талархал илэрхийлсэн юм.

100 өрхөд гэр олгов

Арвайхээр хот үүсэн байгуулагдсаны 290, "Арвагар хээрийн их хурд-2017" хангайн бүсийн уралдаан, "Монгол түмний морины их шүтээн цогцолбор"-ын 10 жилийн ойн баяр наадмын үеэр баяр дээр баяр нэмсэн нэгэн үйл явдал болсон юм. Тодруулбал, орон нутгаас сонгогдсон эрхэм гишүүд, аймгийн удирдлагуудад гэр хүссэн өргөдөл, хүсэлт их ирдэг бөгөөд энэхүү асуудлыг шийдвэрлэх зорилгоор УИХ-ын гишүүдийн санаачилга, дэмжлэгтэйгээр 2017 онд орон нутгийн төсөвт 100 гэр олгох санхүүжилтийн эх үүсвэрийг шийдвэрлэжээ. Арвайхээр хот байгуулагдсаны 290 жилийн ойн хүрээнд уг гэрт ойд урилгаар ирсэн зочид, төлөөлөгчдийг нэгдсэн зохион байгуулалтаар байрлуулан, ойн дараа сумдын иргэдэд хуваарилан хүлээлгэн өглөө. Гэр хүлээлгэн өгөх ажиллагаанд УИХ-ын гишүүн С.Чинзориг, Д.Тогтохсүрэн, Я.Содбаатар, аймгийн Засаг дарга Г.Ганболд, Хөдөлмөр халамж үйлчилгээний хэлтсийн дарга С.Ундрах нар болон сум, багийн Засаг дарга нар оролцож, иргэдэд гэрийг нь гардууллаа. Дээрх гэр нийлүүлэх тендерт ялсан "Хүлгийн хурд" ХХК нь орон нутагтаа 200 сая төгрөгийн санхүүжилт бүхий гэрээний дагуу иж бүрэн гэрүүдийг бэлтгэсэн бөгөөд гэрийн модыг Бат-Өлзий сумаас бэлтгэн нийлүүлсэн байна.